

Nuorttanaste

»Gæca dam Ibmel labba,
gutte mailme suddo guodda!«

No. 11.

»Nuorttanaste« maksa ovta kruvna jakkoda-
gast, bladde dinggujuvvu juokke poasta-
rappe lutte.

15ad Juni 1908.

»Son dagai rafhe su ruosa
varai bokte.«

10ad jakkegardde.

»Nuorttanaste« olgusboatta guovte gærde
manost — dam 15ad ja dam 30ad bæive
juokke manost.

„Jesus celki —:

**Jos don oskosik,
de don oainasik Ibmel hærvasvuoda.**“

(Joh. 11, 40.)

»Mon læm Hærra, du dalkastægje.«
(2. Mos. 15, 26.)

Ovta čoaggalmasast muttom bai-
kest, man namma læ Nordheim, muit-
taluvvu čuovvovažat:

Salbma læi lavllujuvvum, ja ok-
ta gukkes ruoidna sardneolmai čuožoi
sardnestuolo guorast, boares vel oaid-
net. Rokkus mannel logai son tæk-
sta: »De bođi muttom olmuš su lusa
ja luoittadi čibbi ala su ouddi ja cel-
ki: Hærračain, armet mu barne bag-
jeli! dastgo son læ mannodaydag ja
gilla ollo bahaid, dastgo son gačca dav-
ja dolli ja davja čaccai; ja mon dolv-
vum su du mattajegji lusa, ja æi si
mattam su buoredet. Mutto Jesus va-
stedi ja celki: O, don æppeoskolaš ja
jorgo sokkagodde! Man gukka galgam
mon din lutte læt? Man gukka gal-
gam mon din gierddat? Buktet su
deiki! Ja Jesus siggoi su, ja bærga-
lak manai sust olgus, ja bardne dær-
vasmuvai damanaga boddo rajest. De
manne mattajægjek Jesus lusa sierra-
nassi ja celkke: Manne mi æp væg-
jam su olgusagjet? Mutto Jesus celki
sigjidi: Din æppeoskodek diti; dastgo
duodai cælkam mon digjidi: Jos dist
læ osko senebgordnečalme mađege, de
oažžobetet di cælkket dam varrai: Sir-
de ječad dabe dokko! ja dat galgga
ječas sirdet, ja i mikkege galga læt
digjidi vægjemættom. Mutto datslai i
mana olgus, muđoigo rokkus ja bora-
kættai vuoda bokte.« (Math. 17, 14—21)

Sardnedægje algi su sarnes mui-
totemin dam, atte dat læ okta mavso-
laš ašše, atte čoagganet Ibmel sane
birra. Dastmannel čilggi son ovta guk-

keb aige ja darvetægje lakai dam sist-
doalo, maid dat bajaslokkum tæksta
nuft oanekažat ja čielggaset ouddan-
doalai, ja ain laseti son: »Buok læ
vejolaš sudnji, gutte osko,« cælkka
Jesus. (Mark. 9, 23.) **Buok dingak.**
Jakakgo don dam? Jakakgo don, atte
Jesus sardne duoda? Aššen dasa, atte
mattajægjek æi vægjam buoredet dam
mannodaydag, læi dat, celki Jesus,
atte si æi oskom. Vuoi don garotuv-
vum æppeoskol »maidikkenassi« —
dat šadda ollo dat — »maidikkenassi
di rokkadallabetet mu nammi, dam
datom mon dakkat,« cælkka Jesus.
(Joh. 14, 13.)

Æppeosko sardne ječa giela. Dat
doalla ječas æmbo dasa, maid jierbme
dagja, go dasa, maid Jesus loppeda.
Ja jierbme gieldda maidai min adne-
met min kristalaš osko, adnet dam,
ja adnet dam stuorraidi ja særavvaidi.
Jierbme sardne lundolaš lagai birra,
mak æi mate guđdujuvvut, ja čadna
vel dam buokvægalaš Ibmelge nuft
dai lagaidi, atte son šadda famotæb-
me, atte son i maidege væje dakkat,
mak sottet dai ovta-gærde likkatkætta
bigjum luondolagai vuostai. Mutto
osko dalle? Juo, dat dagai, atte okta
Josva loapati buok, oažoi bæivača or-
rot jaska Gibeonest, ja mano Ajalon
vuomest (Josv. 10, 12.) Jierbme cælk-
ka, atte go oktage læ buocos, de galg-
ga valddut okta ja nubbe mæreadnem,
jos dærvasvuoda galgga fast oažžot.
Ja duottavuodast læ buorre mæread-
nema adnet; mutto osko dovdda ovta
mæreadnema, maid jierbme i læk fuo-
mašam, namalassi **rokkus**. Apostal
cælkka: »Jos oktage din gaskast gilla
maidege bahaid, son rokkadallus, jos
guttege læ arvok mielast, son lavllus.
Jos guttege din gaskast læ buocamen,
de ravkkus son lusas særvegodde

vuorrasid, ja si galggek rokkadallat su
oudast ja vuoiddat su oljoin Hærra
nammi, ja osko rokkus galgga bæstet
dam buocce olbmui, ja Hærra galgga
su čuožaldattet, ja jos son læ suddo
dakkam, de galggek dak sudnji anda-
gassi addujuvvut. (Jak. 5, 13—15.)
Mon im dieđe, lægo oktage dist ož-
žom daggar rađe din doaktarest; mut-
to apostal adda dam, ja adda dam
dievas duottavuodast — lægo dat av-
kalaš dam lasetet? son adda dam die-
vas duottavuodast, vai rađe galgga
gæččaluvvut. Osko rokkadusa oudast
fertijek buok vægjemættomvuodak
šaddat vejolažžan; i mikkege olbmuid,
i mikkege famoid ige lagaid govča
dasa, i goassege čuožo dat rađetaga.

Pappa, gutte maidai læi čoaggal-
masast, i læm likom oalle burist dam
sardnai. Dat oroi su mielast, atte sard-
neolmai manai mendo gukka su čilg-
gemines ja osko famost ja duojest, ja
son oaiveldi, atte dat sardne osko ol-
goldasdagoi ja mærkai birra ja dai
daphost sati doalvvot manga sielo æp-
padussi.

Sardneolmai fast algi: »Maid da-
gai Pietar ja Johannes, go soai dæi-
vaiga dam lames olbma tempeluvvast?
Jesus Nazarealaža nammi čuožžet ja
vazel« celkiga soai, ja son vazgi. (Ap.
dag. 3, 6—7.) Maid dakke apostalak,
go olbmuk daina lagas gavpugin botte
Jerusalemi ja bukte buccid buoksla-
jain ja olbmuid, gæk legje bostatuv-
vum buttesmættom vuoinain? Si buo-
redegje sin. — »Mutto dpatuvvago
dat min beivin?« jærrabetet di. Mu
rakkasidant, jos dat i šadda, jos Hær-
ra loppadusak æi devddujuvvuš min
ala — maid guodda dat mærkka?
»Manne æp vægjam mi agjet dam ol-
gus?« jerre mattajægjek min tækstast,
ja Jesus vastedi: »Din æppeosko diti.«

dastgo Jesus cælkka, »buok læ vejolaš dasa, gutte osko.« Ibmel datoši ainaš čajetet su famos maidai minge aige buoredæbmai ja æra oaudodi, jos mi fal matašeimek oskot su ala. »Jos don oskok, de don galgak oaidnet Ibmel hærvasvuoda,« celki Jesus Marjai. (Joh. 10, 40.)

Salma lavllom vuolde mañnel sarne savkkali ucca Anna, papa nieidda, vebaš su aččasis. Son jærailobe oažžot vuolget sidi ouddal ače, ja pappa addi sudnji lobe dasa. »Mon bacam vel deiki oanekaš aige sardnóm varas sardneolbmam vebaš,« savkkali pappa, »nuft atte dat šadda mañned ouddal go mon vuolgam, ja dat daidda læt buoremus, atte don manak ouddal. Cælke ædnai mu dærvuoda. Mon boadnam nuft farga go gærgam.«

Sardneolmai læi goččom papa loapatet čoaagalmasa, mi læi vierro. Pappa læi sagga nuorab olmai, gi æska jage goččest læi boattam dan særvvegode ammati. Dat muittaluvvu, atte son galgai læm bagjelmæralaš oappavaš ja vissa maidai stifta buoremus sardnedægje, arvvalægje olbmuk. Dasa vela bođi, atte son læi okta »lokkepappa,« nuftgo olbmuk celkke; d. l., atte son alelassi rakisti oskolažaid ja alelassi bælošti sin.

Su loapatus sarnestes muitoti pappa dam goalmad rokkusa: »Šaddus du datto! »Dam rokkusa læ Jesus oapatam su mattajegjidasa,« celki son; »mi læp oappam Jesusest, maid ja man lakai mi galggap rokkadallat; mi galggap cælkket: Šaddus du datto, ige mu. Nuft rokkadalai maidai Jesusege ješ Getsemanest dom ija. I nuftgo mon datom, mutto nuftgo don datok: Dat dievvasemus rokkus læ dat, atte rokkadallat ječamek Ibmel, min ače dato sisa, nuft atte su datto šadda min datto. Nuft datto son, atte su manak galggek vuostaivalddet buok dam, son sadde sigjidi, buocovuoda, vaivid juokkeslajast ja ilo. Si galggek sogjalattet ječasek nođid vuolai, maid son bigja sin ala, buorre ja gitevaš mielain ja cælkket: Šaddos du datto! Mi læp sagga čalmetæmek, mi addep nuft uccan. Ibmel oaidna buorebut; son okto dietta, mi dat læ, mi oudeda min likko. Gæča Josef alal! Go vuostebarok časke su vuostai, i rokkadallam son gagjume hædest. Dast læ mist adnu dam oskoi, mi cælkka: dak læk Ibmel gæinok; dat doalvo čuovg-gadassi, vaiko mi oaidnep dušše sævd-

njadasa. Dat læ osko oaidno, mi doalvo min gitet buok oudast, buocovuoda ja dærvasvuoda oudast, morraš ja ilo oudast, — cælkket Ibmeli, min aččai, gittos buok dingai oudast min Hærra Jesus nammi. Dasa darbašep mi osko.

Muittop mi dam, atte Jesus vaiddala dam soga bagjel, mi gaibeda mæarka. Dat stuoramus mæarka læ, atte suddolažak bestjuvvujek, ja atte dak bestjuvvumak bisotuvvujek čađa buok vaddesvuoda ja mañemusta dolvvujuvvujek baikkai Ibmel lusa. Dat læ mæarkai mæarka. Dam mæarka galggap mi dattot; de æp oažo mi nuft ollos ano daggar mæarkaidi, mak imaštatek ovta gæččamhalo soga, ovta baha soga. Væketekus Ibmel min buokai dasa su armostes, ja vare son addaši migjidi čuovga oaidnet dam, atte moft son ain lagedaš min gæinoid, maid son ain addeš migjidi, de læ daddeke Hærra datto alelassi dat buoremus, ja su gæinok læk dievva arkalmastemvuodast ja armost. Amen.«

Mangas doppelalle čiegnalet papa oanakaš loappasarnest. Si ditte juo, atte son gutte čuožoi dast sin oudast ja særnoi, læi garraset gæččaluvvum, gal veji nuft, moft i oktage čoaagalmasast, ovta rakis bællalaža manga jakkasaš buocovuoda gæčeld, ja dat addi su sanidi famo.

Čoaagalmas læi nokkam, ja okta nubbe mañest manai ja geiggi gieda olgus dærvuodai dakkam varas, vuost pappi ja dasto sardneolbmai, gutte čuožoi uksaguorast ja lavloi.

(Lasetuvvu).

Matkebrævva.

(Lasse oude bittai)

Mañebarga 21ad april valddim mon æro ustebigum Brunlanæsast. Dak legje šiega olbmuk, manditi ærovalddem oroi læme lossad. Hæstain vugjim mon dast Larvika gavpugi, gosa mon bottim mañnel gaskabæive. Dast legje Same-mišson ustebak lagedam ucca festaš sisaboaton Same-mišsoni. Go monge legjim mišsonolmuš, de ferttijim mon orostet dast, ja muittalet Sami dilalašvuoda sigjidi, mi oroi læme suotas sin mielast.

Ija vuoinastæme mañnel guđdim mon Larvika gavpuga gaskavakko 22. april ja bottim Kristianiai mañnel gaskabæive. Maidai Larvik gavpug læ

hui čabbes. Kristianias valddim mon Tallaksen dallo, daina jurddagin, atte fast vuolget dast moadde bæive gæčest; mutto go mon dast šaddim oapes nuft ollo olbmuguim, ja maidai dastge ožžom manga buorre usteba, de golai aigge nuft burist, atte mon im fuobmašam ouddal go 4—5 vakko legje gollam. Dast læi ollo oaidnet ja gullat, sikke buorre ja baha, mi juo gavdnu juokke sajest ja erinoamačest vel stuoreb gavpugin.

28ad april bođi dat engelas gonagasparra Kristianiai. Gavpug læi hirbmuset činätuvvum, nuft moft i læk læmaš goassege ouddal, ja hirbmad ollo olmuš læi boattam oaidnet dam hærvasvuoda. Nuftgo arvvedæmest læ, de æi bæssam buokak oaidnet gonagasgaze olmuš ædnagvuoda diti. Mañnelgo šlotti legje vuogjam, de bođi joavkko šloatabalkona (læbma) ala ječas čajetet. Gonagas guoktast legje ruksis gapperak oaivest dego Samin doluš aige lajok ruksis læddest. Sikke gonagas Edvard ja dronnig dærvataiga olmušalbmuga stuora gudnebalolašvuodain, gi dam sagjai čuorvoi hurra. Dalkke læi juokke lakai buorre ja buok manai muossedet.

Suotas lifči, jos olbmuk buok guovloin lifče nuft gerggos dam almalas gonagasa vuostaivalddet, go daid ædnamlas gonagasaid. Su, gutte læ Hærrai Hærra ja gonagasai gonagas; ja gutte aiggo boattet dalle, go i oktage vuorde su, nuftgo suola ikko.

Kristianias barggjuvvu ollo kristalašvuoda videdam varas; mutto dobbe barggjuvvu maidai ollo dam vuostai. Ollo gavdnujek dobbe Ibmel biettalægjek, ja maidai mangašlai særvek, gost Ibmel namma ollo duššen adnujuvvu, sikke sardnoma ja æra dabi bokte. Nuorra socialista maid vigga videdet su »kristalašvuodas«, mi i gula baikkai bibalest, ja dat orro barggamen stuora angervuodain, mi diedostge oažžo aldsešis ollo mattajegjid. Mu mielast orro dat maidai vuoittemen vel Sabmelaš rieboige bællasis. Rakis Samek! Allet vuost ramed ja bæloš socialistai nuft mendo angeret. I læk vel buorre diettet moft manna. Okta ucca daigaš satta suvrrodet olles daige. Di, gæk lepet nuft viššal sin bælošet, allet fal ječadek vajaldatte daggar varalaš bargo vuolde, atte nubbe suddolaža bælošet. Suddogas læ suddogas. Sadnevajas dagja, atte leg-

jon, vaiko dat læ dabmum, de dast læ damditi legjon luonddo. Nuft satta maidai dagjut ovta suddogas riebo birra.

Sodnabæive 26ad april læi konfirmašona buok gavpug girkoin Kristianiast. Ollo manak besse dam bæive.

Maidai 17ad mai læi gavpug äi-ñatuvvum flavdaiguim. Olmuš læi hirbmadet dam bæive mietta, ja äuojanas gullui vaiko man šlajast, ja dat bæggalmas hurra gullui juokke sajest, mi gosi olmui bæljettutti. Äkked bællai dollujuvvujegje festak mietta buok servin.

Kristus albmainmannabæive gastašuvvui okta Judalaš muttom girkost Kristianiast. Dat læi okta bardneolmai 28 jage boares. Son læi ferttim guoddet su baikes, Tuiskalanda, damditi go son dovdasti Kristusa, nuftgo dat boattam Messias. Kjöbenhavnast læi son oappam danskagiela, ja deiki Norgi boði son gastašuvvum varas. Dat læi havskes bæivve su oaidnet ja gullat dam basse gasta vuostaivaldemen.

Stuoradigge-salast maid fidnim ovta bæive. Arvvaladdam vuolde dam bæive læi bibliotheka soaldatidi. Maidai dange aše birra legje manga jurdag. Mañemus vel buvti okta olmai dam »forslaga« ouddan, atte maidai socialista-čallagak galgge bibliotekai valdudut æra čallagi særvvai. Dast arvveduvvu, atte socialistak dattok sin oasesek. Äi si oassehæl' olmajen gal čokkaš stuoradiggest, mi juo i obba lækge vuorddemestge. Min stuoradiggeolmai, Saba, i oidnum dalle. Dat læi aido gaskabæiveaige, go mon legjim siste.

Kristiania gavpugest læi olles gæsse, dallego mon dobbe legjim. Bæivaš læi hirbmos liegas, go dat baiti dai stuora gædge garddemi vuostai.

Mañebarga, 2be juni, guddim mon Kristiania gavpuga. Dibmo 3,15 mañelgaskabæive vuoiddaleimek mi jernbane mielde bagjel Troandemi. Bæivaš suppi su liegga suodnjarides min fievro vuostai, ja baiti lieggaset glasai čađa. Dat oroi dego savvamen migjidi dam lieggasemus dærvuođa. Havske læi oaidnet daid stuora jalggadasaid ja jogaid, maid mædda toga girdi dego lodde, ja farga læimek mi Hamar gavpugest, gost mi galgaimiek toga molssot. Maidai Hamar gavpuge læ čabbes.

Dam ragjai äuovoi Kristiania liegas min; mutto de — —. Muottavarek oidnušgotte ja galmas šaddagodi. Igja læi bænta čoaskes. Matke alde orosteimek mi Singsaas'ast, gost dat bæggalmas Flöttumgandda læ erit. Vehaš matke stašonast erit cægga sin viste ovta stuora joga guorast. Davalaš hirsaviste ovtain lovtain. Dam siste læ son riegadam, ja nubbad čalbme læ gæčastam dam viste ala, go mædda læ jottam toga mielde. Mon haladim Flöttumganda sidaguimin, gutte maidai muittali, atte ganda viellja læi maid ožžom «guđad jierme.» Son logai ječas gullam doaktarid muittalæmen, atte Flöttumgandast læi daggar nana jakko dam ala, maid son makka logai oaidnam, atte dat læi ænaš dušše jako ala, masa son luti nuft ædnag, go son dagai, nuftgo daina Gudrunraingge. Su muittalusa mielde fertte læt Flöttumgandast buorre osko. Dam maid muittali, atte olbmuk daggar ollo galčaldagaiguim legje aibas jorgidattam ganda. — Jos nuft manaš gukkeb, de daiddek Flöttumgandast gæppanešgoattet »dak ollo« jiermek.

Gaskavakko ollimek mi Troandemi, gost ræisso galgai lasetuvvut jottelesruvta »Erling Jarl« mielde davas guvllut. Maidai dastge læi galbma dalkke, mutto muđoi fal buorre jottedalkke. Mađe davveløbboi mi bodimek, dađe æmbo ittegotte muottavarek. Bærjadaga idded ollijim mon fast mu barggobaikkasam Sigerfjordi.

Loapatam mu čallagam vaimolašdærvuođaguim buok blađe lakkidi ja erinoamačet mu olbmuidasam Dænost.

Ovla Andras.

Bibal videdæme vaddesvuotta.

Harvve olbmuk jurdašek, man dat læ vaddes bibala skappot juokke olmuščerddi, erinoamačet go mi jurdašep bibal jorggalæme vaddesvuodai ala. Davja læ nuft, atte buok bibala dajatusak æi mate jorggaluvvut, dainago æi gavdnu dam olmuščærda gilli, masa bibal galgga jorggaluvvut, daggar dingak ja namatusak, mak muttom sajid læk bibalest. »Ibmel labbes« læi ouddamærka diti daggar vaddes sadne dam olbmai, gutte odđa testamenta galgai jorggalet Eskimoari gilli. Son fertti čallet »Ibmel siello« dam sagjai. Okta boares India olmai celki, go son logai værddadusa dam lap-pum barne birra, atte dat læi okta

čabba historja; mutto vuoi dadde dam ače, man dat læi stuora bagjelduolbme, go galgai galbe goddet. Indiaš rekinastujuvvu gussa basse spiren, ja dat i galga sorbmijuvvut.

Mutto vaiko læk ollo hettetusak, læ almaken bibal dam mañemus jakkečuodest ollo videduvvum. Dal prentijuvvu bibal arvo mielde 400 gielaidei, ja barggo bibalin i äuožo goassege jaska, olbmuk jorggalek ja divvuk boares jorggalusaid jagid mietta, ja koastadusak dam bargost læk arvo mielde læmaš 330 miljon kruvna. Sisaboadok læmaš 4,625,000 jagest, ja 6 miljon bibala ja bibaloase olgussadijuvvujek jagest. Dat i dakkujuvvu tinistusa diti. Ouddamærka diti muittaluvvu, atte dat bengalalaš bibal maksa garvesen oazžot 14 øra, mutto vuvddujuvvu 3 øri,

Dak guokta stuora bibalsærve, dat engelas ja dat amerikanalaš, suiteba olles joavko giella-olbmain sodno balvvalusastæsga. Dat mañemus čađagæčam ja divodčebme Madagaskarbibalest mavsi 55000 kruvna. Maidai prentijuvv'jek bibalak aledum bogsavaiguim Lullemaera sulloin ja Afrikast čalmetemidi daina baikin.

Muttom ædnamak læk, gosa bibalsærvek æi bæsa bargosek oudedet, namalassi gosa bibal i sisaluittujuvvu. Dai ædnami særvest læ Abesinien ja Albanesien. Abesinien kristalaš raddejægje saddi bibalsærve čallai moadde čabba elefanta banid ja ovta vaiddalusgirje, man vuollai læi čallujuvvum: »Dat vuoitte legjon Juda sokkagoddest Menelik dat nubbe Ibmel dato mielde kæisar Äthiopiast.« Nubbai daina namatuvvum ædnamidi i bæssam bibal, dainago dat olmai, gutte dobbe bibala čađagæčai, gavnai muttom dajatusaid, maid son gaddi læm vašsesanid sin raddejægje vuostai.

Dam 17ad juni

læ äuođe jage dam ragjai, go Henrik Wergeland riegadi. Mietta min ædnama šadda dat bæivve adnujuvut nuftgo okta našonai festabæivve — ja dat daro olmuš gudnejatta ječas daggo bokte, go son gudnejatta Henrik Wergeland muto.

Son læ æmbo go oktage æra barggam dam daro vuoinaællem videdæme harrai dam jakkečuodest, mi vasi, ja dat i dakkam su bargo ucceb, vaiko son šaddai harjanet ovta odđa huksim-

aigest, mi falai vuoina barggoi daid garrasæmus lobid.

Šladdar

læ okta bagjeldubmujubme, masa maidai lakage læ bigjam rangaštusa, ja dat læ garra rangaštus. Mutto davja læ dat nuft, atte dat šadda mendo vaddes oažžot diettet ruottas dam fastes jottoi, maid šladdar oažžo matkai; dastgo dat loakta buoremusat aige, go dat satta battaret sevdnjis lugoidi.

Dat læ okta mirkolaš šaddo, mi hirbmos famoin videt ječas, ja mirko læ godde, vaiko vel valddage gukkeb aige.

Dat olmuš, gutte doppelalla šladdaris godde mirkost, læ sagga likkotæbme ja darbaša buok dam væke, mi olmui særvest matta addujuvvut dasa. Suollagi ja olmušgoddiguim eai datoši olbmuk særvvevuoda, mutto šladdardægjek, mak davja euzžuk alla kursast, dam sagjai gussestallek sin baikid. Ja daddeke læ šladdar verreb, dastgo dat eugge su oaffares manabæle ja danditi vuoi metutta olbmu ječas vastedæmest, ouddalgo dat šadda mendo manjed.

Šladdar læ njoammo, hirbmos vel njoammoge. Dat fallita olles olbmuid ja manaid alma erotuskætta. Dat læ dievvaset lika njoammo ja varalaš go tereg ja daina berre sammu lakai dakkujuvvut go teregin, dušše dat erotus, atte okta tereguocce læ ollo vaddakæmest, dam sagjai go dat, gi læ šladdarbuocce, dam vuostai i sate nuft ollo bagjelgæeemvuotta eajetuvvut, go galgasi.

Šladdara eadne læ baha mavsatamvuotta ja oabak ja vieljak joavdelasvuotta ja bahavuotta.

Dat i læk nuft mendo gukkes aigge dam ragjai, go olbmuk eai jakkam, atte tereg læi njoamino; mutto go dat šaddai eielgas olbmuidi, de algge olbmuk vuostaibarggat dam njoammovuoda, ja dal læ dat gæppanæme vuolde.

Samma lakai fertte maidai mannot šladdar vuostai. Dat fertte vuostaibarggut, vaiko muttomak læk dam oaivvelist, atte i dat vækkes. Mi æp jakke, atte dat læ nuft vægjomættos, mutto dat šadda vissasi makset sikke bargo ja rido, ja algo læ buok aigidi dat losemus.

Sameædnam-bivdo

laittek bivdek sagga. Dak bistaldes dalkek læk hettim ollo. Muttomak illa birggetet ječasek, ja illa oktage satta makset boares vælge.

Dronnig

Alexandra ja prinsessa Viktoria boatteba september manost 3 vakkoi gussestallat min gonagaspara.

Manjemuš vakkost oktober manost vuolggeba dronnig Maud ja kronprins Olav Engelandi. Gonagas Haakon vuolggga decemberest, ja gussestallam bista juovlai ragjai.

Mada-Varjak færanak.

Vuostas mai læ, nuftgo mi diettep barggi bæivve. Min ædnam mietta daina vebaš stuorebuš gavpugin eoaagganek dalle barggek plævgai vuolai ja dollek foredragai dai aši birra, mak sin dillai guskek. Maidai Mada-Varjagest, gosa dam aige ollo barggek, diettalas juokke lagan oaivvelin ja politikalaš ivnin, læk eoaagganam, dollujuvvujegje eoaaggalmasak balgai alde. Maidai si gudde plævga, mutto dam ala læi eallujuvvum! »Vuolas truonoin, altarin ja ruttafamoin!«

Ouddal vuostas mai saddijegje muttom barggek Mada-Varjagest telegrama Sameædnam amtmannai, mast si jerre, læigo lobalaš daggar plævga guoddet eoaaggalmasast. Amtmanne jærai justitsdepartementast dam birra, ja oažoi dam vastadusa, atte dam plævga diti eai sätte rangaštet ovtage. Justitsdepartementa oaivve læ dal Kastberg.

Stuoradigge præsidet Stang valdi dam aše bajas stuoradiggest ja jærai Kastbergest, manne addujuvvu friavuotta daggar moive rakadægge gaskaomid adnet. Stuoradiggest šaddai oalle gukkis sadnadallam dam aše alde. Muttomak dolle Kastberg bæle ja muttomak fast Stang bæle. Kastberg diettalassi ani su sagfõrar koanstalaš sakkaeæppevuodas ja eilggi, atte daggar plævga-adnemest i læk mikkege, mast ballat darbaša olmuš. Son maidai muittali, atte læ Kristianiastge guddujuvvum plævga, man alde læ euzžom: »Helveti mannus buok soatterassam.«

„Nuorttanaste“

læ dam have ollo manjanam. Ollo dakamušak baikest ja jottem læ ollo aje-

tam, danditi boatteba dal 2 nummara oktanaga, namalassi 30ad mai ja 15ad juni nummarak.

Sameædnam vuovddefonna.

Ædnambruvka-komitea ouddandivvo adnem varas 25000 kr. Sameædnam vuovddefonnast oastem varas vistesajid bivddoværain bivddedi.

Ain vidasæbbot ouddandivvo komitea 800 kruvna adnem varas dam skadđai, maid buoccek Sameædnamest læk dakkam.

Ruotarika.

Stuora stataloadna.

Stata læ valddam dam arvvalusa, atte dakkat loana 3 million pund ouddi, mast bæle valddu Engelandast.

Ruoša kaisar æmed

buocca vaibmodavdast. Su juolgek læk bottanam.

Issores buollem.

Grand hotella Mandalast læ vuolasbuollam gosi aibas daina beivina. Okta 64-jakkasaš huksim-mæister, Braastad Grimstadast, sisabuli. Olbmuk gulle vaimoæuoppe jiena siste, mutto eai sattam væketet su. Son læi gallestallamen su nieidas, gutte læi dam hotella æigad. Moft dolla læš cakkidam, dat i dittujuvvu.

Ruošaenam.

Warschauest muittaluvvu, atte dobbe fast læk celkkujuvvum 6 jabmemduomo.

Petersborgast fast muittaluvvu, atte dobbe læ suoladuvvum muttom sajest sisagaikkoma bokte mavsolas dingak 300 000 rubel ouddi.

Ruota gonagas

gudnejattujuvvui su 59 jakkasaš rie-gadambæives diti.

Odda kruvnbittak

ja odđa guovtekruvnbittak olgusmannek dai beivid. Oktibuok læk minttjuvvum 20,000 daina vuostamužain ja 50,000 daina manebuin.

Gonagaslaš loppadaddam.

Kjøbenhavnest muittaluvvu, atte prins Harald læ loppadaddam prinsessa Helenain, Glücksborgast, daina tuiska kaisar-æmed oabain.

Dinggo »Nuorttanaste!«

»Nuorttanaste« ealle, prentejægge ja olgusadde læ G. F. Lund Sigerfjord, Vesteraalen.